



UNIVERSITÄTS-  
BIBLIOTHEK  
PADERBORN

**Rigor Moderatus Doctrinæ Pontificiæ Circa Usuras A SS.  
D. N. Benedicto XIV. Per Epistolam Encyclicam Episcopis  
Italiæ Traditus**

Specimina ulteriora exhibens Moderationis Pontificiæ, à P. Concina violatæ

**Zech, Franz Xaver**

**Ingolstadii, 1751**

Art. 1. Definitio & Divisio Census.

---

[urn:nbn:de:hbz:466:1-63780](#)

P. DANIEL CONCINA, quando suum de Contractu Trino Volumen edidit, quamvis eo tempore in Gallia cum aliarum Universitatum Censuris fuerit typis publicata. Ne quis autem suspicetur, tenebras queri, verbotenus eam apponere libet. Sic igitur habet: (a) *Nos infra scripti examinavimus communicatum nobis & censuræ nostræ commissum casum de Contractu Triplici Societatis in ordine ad negotiationem, & omnibus rite ponderatis judicamus, contractum ejusmodi ab omni labe Usuræ immunem, adeoque licitum & in praxi tutum esse.*

(a) In Libello Gallico: *Examen Theologique sur la Société du prêt à Rente. Edit. tert. 1745.* Nomina quorundam subscriptorum Theologorum Ingolstadiensium vehementer deformata fuerunt, quod vel typographus, vel ille, qui ex autographo exscriptis, teutonicis nominibus fortè parum assuetus, literas quasdam male legerit. Impressa enim sunt nomina SJINCIBL. & STOCOLINGER. cum in autographo legatur KNÄBL. & STÖTTLINGER. Notandum etiam, non omnium, qui publicè in Academia hac Theologiam prælegere solent, nomina esse signata, quia inter bellorum turbines, qui eo tempore præprimis urbem Ingolstadiensem premebant, non omnes Cathedræ Theologicae erant occupatae.

## SECTIO VII. De Contractu Censuali.

§. 186.

**I**ntr Contractus, per quos pecunia collocari potest ad lucrum, magnum nomen & usum obtinet Contractus Art. I. DEFINITIO Censualis. Agemus I. De Definitione & Divisione Census. ET DIVI-  
SIO CEN-  
II. De Usu & Legibus Censuum præcipue in Germania. SUS.  
III. De Rebus, super quibus constituitur Census. IV. De  
Materia ex qua solvitur. V. De justo ejusdem Pretio. VI.  
De Pactis adjici solitis. VII. De intrinseca Natura Contra-  
ctus Censualis.

P 3

§. 187.

## §. 187.

*Census*

Per *Censum* hoc loco intelligimus annum redditum ex re frugifera præstandum. *Jus Censiticum* est jus anni redditus ab altero exigendi. *Contractus Censualis* appellatur, quo de Censu convenitur. Qui habet jus percipiendi ejusmodi redditum, vocatur *Creditor*, sive *Censualista*: qui verò habet obligationem solvendi illum, vocatur *Debitor*, seu *Censuarius*.

## §. 188.

*Reservat-*  
*tivus vel*  
*Consigna-*  
*tivus:*

Quando plenum rei dominium transfertur in Censarium, reservata solum pensione annuatim solvenda, *Census Reservativus* dicitur. Quando verò dominus rei, retento dominio, concedit alteri jus percipiendi ex ea annuam pensionem, vocari solet *Census Constitutus*, seu *Consignativus*. Hæc *Consignatio fieri*, & *Census constitui* potest iis modis, quibus alia jura transferuntur, per Legatum, Donationem, Transactionem &c. Hoc loco consideramus *Censem*, prout constituitur *dato pretio*.

## §. 189.

*Realis,*

*Census Consignativus* dividitur in *Realem* & *Personalem Realis* est, qui constituitur in aliqua certa re fructifera, v.g. agro, ex quo debeatur *Census*, ita ut obligatio solvendi redditus annuos transeat ad quemcunque possessorem hujus agri, donec fuerit redempta.

## §. 190.

*Personalis,*

*Personalis* dicitur, qui constituitur in certa aliqua persona, obligata ad solvendum annum redditum ex industria, arte, opificio, aut aliis juribus & actionibus personalibus, cum quibus etiam potest transire ad hæredes: non designatis una vel pluribus rebus certis, ex quibus ille sit præstandus; licet aliquando ad debiti solutionem obtainendam, in re aliqua certa creditoribus hypotheca constituatur.

## §. 191.

## §. 191.

Addunt aliqui Censum *Mixtum*, qui videlicet constituitur super re, & super persona immediate, ita ut pereunte persona Census debeatur ex fructibus rei: & pereunte re Census debeatur ex fructibus persona, id est, ex juribus & emolumentis quacunque ratione aliunde, quam ex determinata re frugifera, obvenientibus.

## §. 192.

Ratione materiae, quae annuatim praestari debet, dividitur Census in *Pecuniarium*, qui in pecunia numerata; & in *rius vel Fructuarium*, qui in fructibus solvendus est. Et hic quidem *Fructus* vel est *Certus* & determinatus, solvendus in quantitate certius: ta & stabili, e. g. in tribus frumenti modiis; vel est *Incertus*, & indeterminatus, solvendus in quantitate incerta pro quantitate fructuum eo anno perceptorum, e. g. quando solvenda est quarta pars fructuum, vel quando praestanda est quantitas frumenti certae summæ pecuniariae respondens juxta aestimationem designato tempore faciendam.

## §. 193.

A tempore, quo duraturus est Census, alias dicitur *Perpetuus Perpetuus*, qui de se semper durat, transitque ad haeredes vel *Temporalis*: Creditoris & Debitoris: alias *Temporalis*, qui finitur tempore certo vel incerto. Iste si constituatur ad Vitam Creditoris, *Vitalitus* appellatur.

## §. 194.

Census perpetuus dividitur in *Redimibilem*, qui ex pacto *Redimibili-  
convento*, etiam invita altera parte, redimi potest; (a) & *lis vel Ir-  
redimibilem*, qui neque debitore pretium restituente, neque creditore id sibi restitui petente, altero invito tolli potest: licet utroque volente redimi semper possit. *Redimibilis* autem est, vel ex parte solius debitoris, si liceat, restituto pretio, se obligatione solvendi census liberare: vel ex parte solius Cre-  
dito-

120 CAP. II. De Pecun. collocanda ad lacrum per Contractum.

ditoris, si iste possit, censu resignato, repetere pretium: vel ex parte utriusque, si tam debitor, restituto pretio à censu liberari, quām creditor, resignato censu pretium possit repetere.

(a) Perpetuitati census non repugnat facultas reemendi, vel redimendi, cūm census etiam redimibilis interim, dum non reemitur, perpetuam durationis causam habeat, ejusque pensiones perpetuū & jugiter absque temporis definitione solvantur. Ille igitur census non est perpetuus, qui intra certum vel incertum tempus vi pacti adjecti per se exspirabit, e. g. post quatuor annos, vel quando creditor nuptias contrahet. Vid. FRID. MARTINI de Jure Censum. c. 2. n. 14.

§. 195.

Art. 2. Contractus Censualis est antiquissimus in Germania.  
USUS ET Occasione autem Constitutionum Pontificiarum, quibus  
LEGES usuræ damnantur, hæsitare aliqui coeperunt, an hujusmodi  
CENSUUM contractus usuraria pravitate non sint inquinati. Unde RONIA.  
INGERMANIA. LANDUS, Prior Carthusiæ Coloniensis, missus nomine sui  
Census Ordinis ad Concilium Constantiense, proposuit ibi circa  
Germanorum annum 1416. quibusdam Patribus & Doctoribus casum his  
probatur verbis: Quædam domus Religiose, quarum fratres non mendicant,  
à Doctori. emerunt pensiones annuas perpetuas ipsis opportunas pro sustentatione  
fratrum suorum de certis civitatibus, oppidis, communitatibus, pro quibus exposuerunt justum pretium secundum estimationem & cursum locorum illorum, in quibus emebant, scilicet per solvendo aliquando 24 florenos pro pensione unius floreni in uno  
loco: & in aliis locis viginti tres, vel ad minimum viginti florenos;  
venditoribus predictis dando gratiam, ut ipsas pensiones pro eodem  
pretio redimere possint. Quæritur humiliter, an tales contractus  
sint liciti, & ab usura alieni? Pro licentia & honestate talium  
contractuum subscripserunt præstantissimi Theologi & Juris  
Doctores Constantiæ tunc præsentes. (a)

(a) Horum nomina legi possunt apud CONRADUM SUMMENHART de Contract. quæst. 83. PETRUM BINSFELD in C. in civitate. de Usur. fol. 298. seqq.

§. 196.